



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarii Exegetici In Apocalypsim Ioannis Apostoli

Viegas, Brás

Parisiis, 1615

Quodnam sit illud templu[m], in quo sessurus prædicatur Antichristus.
Sectio VIII.

urn:nbn:de:hbz:466:1-39261

nec enim Iudæi recipient hominem non circumcisum : & qui legem non seruet, sed potius contemnat. Ita docent D. Ambr. in cōment. super 2. ad Theff. c. 2. & Raban. Maurus tract. de Antichristo, qui conceptis verbis docent, Antichristū fore circumcidendū. De lege vero Iudæorum ab eo obseruanda, idem affirmant Cyril. Hieros. catechesi. 15. Seuer. Sulpit. li. de vita S. Martini, vbi ait Antichristū præcepturum esse, vt omnes secundum legem circumcidantur. Et D. Greg. li. 11. registri in dictione 6. c. 3. Veniens, inquit, in mundum Antichristus diem Sabbathi, & diem Dominicum ab omni iubebit opere custodiri : nam quia simulaturus est morise, ac resurgere : ideo diem Dominicum in veneratione haberi præcipiet : quia vero iudæizare populū cōpellet, vtriusque Mosaicæ legis reuocet, & Iudæorum sibi subdat perfidiam, diem Sabbathi obseruari coget. Hæc Greg. Verū hoc arbitramur in initio tantum facturū, postea enim rerū potitus nouas ipse legis nefarias promulgabit, omnem peccandi licentiam continentes, modò ipsum tanquam Deum omnes recipient. Quod enim tandem repudiaturus sit legem Mosaicam manifestè colligitur ex illis verbis Dan. 11. Deum patrum suorum non reputabit. Si enim Deum Israël non venerabitur, nec illius sane legem Iudæis olim datam, caremoniasque obseruabit.

Quodnam sit illud templū, in quo sessurus prædicitur Antichristus.

SECTIO VIII.

1. **E**O amentia simul, & impudentia veniet Antichristus, vt sibi tanquam Deo litari, hostiasque immolari præcipiat : imo & in templo Dei sedeat tanquam Deus, quemadmodum disertis verbis docet Paulus 2. ad Theffal. 2. Nisi reuelatus fuerit homo peccati, filius perditionis, qui aduersatur, & exollitur supra omne, quod dicitur Deus, aut quod colitur, ita vt in templo Dei sedeat, ostendens se tanquam sit Deus. Theodor. D. Chryf. Theoph. & Oecumen. in eum locum Pauli, nomine templi accipiuntur templa Christianorum, in quibus Antichristus se faciet adorari. Verū communis opinio est, Antichristum reedificaturum esse templum illud Hierosolymitanum in gratiam Iudæorum, in eoque sessurum tanquam Deū: sic enim tradunt Cyril. Hieros. catechesi. 15. D. Iren. l. 5. aduersus hæreses, c. 25, & 30. Hippol. Martyr. in orat. de consummatione mundi. D. Hier. in epist. ad Algisiam q. 11. D. Ambr. in 21. c. Luca, D. August. l. 20. de Ciuitate Dei, c. 19. Seuer. Sulp. l. 2. de vita S. Martini, D. Hilar. canone. 25. in Matt. D. Ioan. Damasc. l. 4. fidei Orthod. c. 28. Sedulius in comment. super 2. ad Theffal. 2. imo ipsemet Theodor. Chryf. Theophyl. qui aiunt Antichristum sessurum in Ecclesiis Christianorum, simul affirmant sessurum in templo Hierosolymitano. Itaque solus Oecumenius id negat, ea ductus ratione, quòd sola templa Christianorum, templa appellari possint, quæ tamen ratio non multum habet momenti.

Confirmatur eadem sententia ex c. 11. Apoc. vbi dicuntur Enoch, & Helias occidendi ab Antichristo, & eorum corpora iacitura in plateis ciuitatis magnæ: vbi & Dominus eorum crucifixus est. Ex quibus verbis manifestè colligitur Antichristū Hierosolymis regnaturum: vt postea dicemus. Atque adeo verisimile est, ibi Pauli prædictionem, de sessione in templo Dei, esse adimplendam. Porro templum hoc Hierosolymitanum, ab Antichristo instaurandum, ceterum templi nomine: tum propter templum illud antiquū Salomonis, quod representabit: tum quia more templi sacrificiis, & hostiis Antichristo immolandis inseruiet. At quid respōdebimus ad locum illū Dan. 9. vbi videtur significari templum Hierosolymitanum, nunquam

nunquam amplius instaurandum illis verbis: *vsque ad consummationem, & finem perseverabit desolatio*: Respondemus adhuc constare vaticinium Danielis: vere enim ad finem vsque perseverabit desolatio: quia tantum in fine mundi ab Antichristo instaurabitur. Aut certe etiam dici potest adhuc Antichristi tempore templi desolatione duraturam, quia nunquam celestius, quam tunc templum illud profanabitur: quid enim magis profanum, magisque execrandum, quam in templo illo olim celeberrimo, & sanctissimo thura Antichristo adoleri, hostiasque immolari?

Quanam arte, & quibus initiis Antichristus orbis imperium obtinebit?

SECTIO IX.

Obscurum initio futurum Antichristum, & clam atque occulte educandum. I. Aliquid testatur Sacra litera, idcirco enim Dan. 7. appellatur cornu parvulum. *Considerabam*, inquit, *cornua*, & ecce cornu aliud parvulum ortum est de medio eorum, quemadmodum D. Hieron. & Theodoretus eo loco interpretantur: luculentiusque adhuc pradicatur Dan. 11. *stabit in loco despectus, & non tribuetur ei honor regis, & veniet clam, & obtinebit regnum in fraudulentia*. Quamquam enim cum locum Porphyrius, & alij veteres de Antiocho Epiphane intellexerunt: rectius tamen accipi de Antichristo docet D. Hier. in comm. sup. Dan. *Qui consurgere*, inquit, *habebit de modica gente, id est, de populo Iudeorum, & tam humilis erit, atque despectus, ut ei non detur honor regis, & per insidias, & fraudulentiam obtineat principatum, & hoc faciet, quia simulabit se Ducem foederis, hoc est legis, & testamenti Dei*. Idemque affirmat D. Ioan. Damasc. lib. 4. *Idem Orthod. c. 27. Clam, inquit, educabitur, ac repente irsurget, caputque attollet, atque imperio possidetur, & in regni quidem, vel tyrannidis potius praeludis bonitatis speciem praeseruet, cum verorum potius fuerit, tunc peruersitatem omnem suam deprimet*. Id, quod magis exponens Hippol. Martyr orat. de consummatione mundi, postquam eius hypocrisis, & simulationem, simulque miracula descripsit, adiungit: *Hac omnia faciet consilio simulato, & fraudulento, quo conveniat omnes, ut illum regem creent: nam ubi populi tantae eius virtutes, & facultates perspexerint, vno consensu convenient omnes unum in lacum ad creandum illum regem, ac praecipue Iudeorum gens praecibus ipsi tyranno chara erit, dicentque illi omnes, Tibi obtemperamus, & agnoscimus te iustum super omnem terram atque in initio quidem subdole gloriam hanc repudiabit, at perseverantes homines, & obsecrantes regem illum declarabunt*. Hae Hippolytus.

D Hieron. Theodoret. Dan. 11. 21. Porphyr. Antichristus initio humiliter erit, atque de despectus. D. Hieron. D Ioan. Dam. Hippolyt. Eius hypocrisis. Iudeorum gens praecibus omnibus Antichristo chara.

Itaque ad duo capita videtur Hippolytus imperij Antichristi reuocare. Vnum erit signa, & prodigia, quae ante suum principatum, dum adhuc erit obscurus coram multis admirabilia perpetrabit, mundando leprosos, sanando paralyticos, expellendo Daemones, mortuos in speciem excitando. Alterum erit incredibilis hypocrisis, & virtutum omnium simulatio. Cyrillus Hierosol. cathedesi 15. arbitrat Antichristum peruenturum ad imperij totius orbis fastigium, gentes quidem sibi incantationibus, & beneficiis conciliando, Iudaeos autem, appellando se Messiam regem, idque portentis & magicis signis confirmando. *Veneficis*, inquit, *incantationibus, & malis artibus instructissimus usurpabit sibi potestatem Romani imperij, falso autem Christum se ipsum vocabit; ac per hanc Christi appellationem Iudaei, qui venturum expectant, decipiet; gentes vero per magicas imposturas seducet*. Addit Hippolytus ad hoc ipsum usurum esse Daemionum ministerio, & legatione, *Mandata*, inquit, *mittet per universam provinciam opera suam Daemonum, tum hominum, qui dicant: Rex magnus natus est super terram, venite omnes ad adorandum eum, et ipse vobis praestabit frumentum, & vinum, & opes, ac sublimes dignitates*. Id quod etiam affirmat

Cyrl. Hier. Quibus artibus conciliabit sibi gentes. Per universum orbem mittet legatos.